



## Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac  
Vita Existentes, Firmata**

**Stengel, Georg**

**[S.I.], 1645**

§. 7. Hæmorrhioissæ exemplo, Reliquias sacras, diuinitus salutares, esse  
venerandas.

[urn:nbn:de:hbz:466:1-49823](#)

58 Cap. III. Alia noni Testamenti exempla

nes, qui sequuntur Christum, & eum tangunt, verè tangere, sed potius comprimere: illos verè tangere, qui fide ad Christum accedunt, *Fide tangitur Christus*, ait S. Ambrosius. Hoc ergo fecit mulier, quam idem D. Ambrosius alibi Martham Lazari sororem fuisse opinatur; at Eusebius, & Sozomenus, probabilius scribunt, ciuem fuisse Cæsareæ Philippi, quæ postea Saluatori suo statuam, ante ædes, posuerit æternum accepti beneficij monumentum. Quid ergo huic mulieri, quæ à nullo medico potuit curari, fecit Christus? *Conuersus, & iam etiam corporeis oculis videns eam, dixit: Confide filia, fides tua te saluam fecit. Et salua facta est mulier ex illa hora.* Sic curat Christus, quos nemo potest curare: immò, qui multa perpetiuntur à pluribus medicis, & erogauerunt omnia sua, nec quidquam profecerunt, sed magis deterius habebant.

S. VII.

*Hæmorrhœæ exemplo, Reliquias Sacras, tanquā diuinitus salutares, esse venerandas.*

Et fieret hoc frequenter, si mulierem hanc plures imitarentur, ac saltem, postquam satis experti sunt, in filijs hominum non esse salutem, ad Deum configurerent; aut, si, mo-

re

S. Ambr.  
lib. 6. in  
Luc.  
S. Ambr.  
lib. de Sa-  
lomone.  
c. 5.

re huius mulieris , siue humilitate , siue pudore , non audent ipsum Christum compellare , vel retro accederent , & fimbriam vestimenti eius tangerent ; hoc est , illius , vel Sanctorum reliquias venerarentur , de quibus , non minus , quam olim , saepe etiam hodie virtus sanitatis exit , ut , ubi medicæ manus deficiunt , in cœlo adhuc auxilium esse sciatur . Quia de cauſa Catholici semper reliquias magni fecere , quas haeretici , qui nec sanctos , nec sancta amant , peius cane & angue oderunt . Caluinus certè mulierem hanc , indiscreto zelo , ait , Christi fimbriam tetigisse , & aliquid in ea fuisse superstitionis . Addit , quamvis tactu simbriæ sit sanata , factum tamen fuisse singulare , quod non debeat valere ad exempli imitationem ; ut idcirco & nos ex reliquijs petamus sanitatem . Ita indiscretus Caluino zelus est , quod omnes Euangelistæ commendauerunt , dum summa diligentia addiderunt hanc eius laudabilem cogitationem : *Si tetigero tantum fimbriam vestimenti eius , salua ero :* immo quod ipse Christus , non solum miraculo , sed etiam verbis approbavit dicens : *fides tua te saluam fecit .* id Caluinus audet superstitionem appellare . Sic nempe cum Euangelistis concordat , sic

con-

60 Cap. III. Alia noni Testamenti exempla

consentit cum Christo; ut quod Euangelistæ album vocant, illi sit nigrum; & quod Christus tanquam egregiam & saluificam fidem laudat, ille, velut superstitiosum traducat.

Quid aget? num etiam illos incilabit, tanquam superstitiones, de quibus scribitur: *Ma-*

*gis autem angebatur credentiū in Domino mul-  
titudo virorum ac mulierum. Ex quo signo  
hoc augmentum credentiū intelligebatur?  
an ex opere superstitionis? siquidem subiungi-  
tur: ita ut in plateas ejercent infirmos, & po-  
nerent in lectulis ac grabatis, ut, veniente Pe-  
tro, saltem umbra illius obumbraret quemquam  
illorum, & liberarentur ab infirmitatibus suis.  
Concurrebat autem & multitudo vicinarū ci-  
uitatum Ierusalem, afferentes ægros & vexa-  
tos à spiritibus immundis: qui curabantur om-  
nes. Pari pacto Ephesi virtutes non quaslibet  
faciebat Deus, per manum Pauli: ita ut etiam  
super languidos deferrentur à corpore eius suda-  
ria, & semicinctia, & recedebant ab eis languo-  
res, & spiritus nequam egrediebantur. Inter-  
rogo hic Caluinum, an hi omnes indiscreti  
zeli & superstitionis sint accusandi? interrogo,  
cur eos Euangelistæ prædicauerint? cur à fide  
laudauerint? cur sanitas illis miraculo sit  
conciliata? Indiscretio, superstitionis iniuria*

Chri-

Act. 19.

II.

Christo illata, miraculum non meretur. Cur ergo miraculosè fanati sunt, qui non immediate Christum ipsum, sed fimbriam Christi, sed Petru, immo Petri vmboram, sed Paulum, immo Pauli sudaria & semicinctia, cum morbis suis, adierunt? Nimirum Catholici fuerunt, non Caluinistæ. Quod si, sine Christi iniuria, vtiliter & laudabiliter concurrebat Act. 5. 16.  
*multitudo vicinarum ciuitatum Ierusalem, afferentes agros & vexatos a spiritibus immunidis, ad vmbram Petri, cur non idem hodie que liceat facere, ad Petri tumbam & ossa, ad limina Apostolorum Romæ? aut etiam Ierosolymis, vbi non iam Christi fimbria, sed vestigia, sanguine illius signata & purputata reperiuntur?* Hoc Euangelio conforme est, hoc exemplo mulieris & reliquorum, quos laudant Euangelistæ. Quare Euangeliū ipsum tollat necesse est, qui tollit cultum reliquiarum; ne in illud incurrat: *Stultus est, qui, patre cæso, liberis pepert, cædem patriam vindicaturis.* Nemo igitur animum despondeat: saepe, vbi nulla amplius vis in herbis, aut Podalirijs, vbi nulla amplius ars in Galenis, ibi inuenitur, in Sanctorum reliquijs. Sic vult Sanctos suos honorare, vt quemadmodum, *virtutes non quaslibet faciebat* Act. 19. 11.

62 Cap. III. Alia nostri Testamenti exempla

bat Deus, per MANVM Pauli, ita etiam faciat per manum Petri, Sanctorumque aliorum. Nam tanta erat quoque Iacobi Apostoli vita sanctitas, ut fimbriam vestimenti eius certatim homines cuperent attingere. utique non sine corporis, vel animi, vel utriusque eximio emolumento.

In Breuiario Rō.  
1. Maij  
lect. 6.

### §. VIII.

**L**lam de aliorum Sanctorū ueste virtus, exit, quæ morbos sanat.

Ac, ne fuisse ista tantum existimentur; neque nostris adhuc seculis hic fons miraculorum siccatus est. Passim & agminatim exempla occurruunt. Vnum, pro mille, sed non absimile, dabo. Retulit nobis nuper Abbas quidam ordinis nostri, inquit Cæsarius, de quodam Monacho, cui tanta à Domino concessa est gratia, ut virtute umentorum eius multi sanarentur. Sape, si tamen adhuc vivit, dum fratres uestes eius induunt, vel cingulo se cingunt, sanantur. Quod cum quodam tempore, eius Abbas considerasset, nec aliquid specialitatis in illo vidisset, his verbis eum secretius allocutus est: Dic mihi, fili mi, quæ est causa tantorum miraculorum? Respondit ille: Nescio, Domine; non plus fratribus meis ore; non plus vigilo; non plus iuno;

Cæsarius  
Heister  
bac. lib.  
10. c. 6.  
mira.  
culor.